

202. *Der päpstliche Auditor Nikolaus de Vivianis hebt das im Verlauf des Prozesses des Benediktinerklosters Chemnitz gegen Heinrich von Witzleben und Genossen, die Bürger der Städte Zwickau und Oederan sowie die Burggrafen von Leisnig wegen Besetzung und Plünderung des Schlosses Rabenstein und des Dorfes Stein über die Stadt Zwickau verhängte Interdikt des Papstes Urban VI. auf.*

1389 Juni 21, Rom (St. Peter)

*Original: Stadtarchiv Zwickau, A*A II 18 Nr. 11 (A); Pergament: 55 cm breit, 65 cm hoch, Plica: 4–5 cm; Besieglung: Das beschädigte Siegel des päpstlichen Auditors an roten Seidenfäden; Rückvermerk (15. Jh.): Relavatio unius interdicti. — Edition: CDS II, Bd. 6, S. 340–347, Nr. 381. — Anm.: Vgl. Nr. 204. — Zur Sache: Herzog, Rabensteiner Fehde, S. 386 ff.; ders., Chronik II, S. 86 f.; Wießner, Bistum Naumburg I/1, S. 253.*

NICOLAUS DE VIVIANIS decretorum doctor, domini nostri pape capellanus et ipsius sacri palatii causarum apostolici et cause ac partibus infra scriptis ab eodem domino nostro papa auditor specialiter deputatus, universis et singulis dominis abbatibus prioribus prepositis guardianis decanis archidiaconis thesaurariis scolasticis cantoribus sacristis succentoribus tam cathedralium quam collegiatarum canonicis parochialiumque ecclesiarum rectoribus, eorum loca tenentibus, plebanis viceplebanis capellanis curatis et non curatis, vicariis perpetuis ceterisque presbyteris clericis notariis et tabellionibus publicis quibuscunque per civitates et dioceses Misnensem, Merseburgensem et Nuenburgensem ac alias ubilibet constitutis ac vestrum et eorum cuilibet in solidum, ad quem vel ad quos presentes nostre littere pervenerint, salutem in domino et presentibus fidem indubiam adhibere ac nostris ymmo verius apostolicis firmiter obedire mandatis. Nuper ex parte sanctissimi in Christo patris et domini nostri domini Urbani divina providencia pape sexti quandam commissionis sive supplicacionis cedula nobis per certum suum cursorum presentatam nos cum ea qua decuit reverencia recepisse noveritis tenorem qui sequitur continentem.

Beatissime pater exponitur s. v. gravis querela pro parte devotorum virorum abbatis et conventus monasterii sancte Marie virginis sanctorumque Iohannis ewangeliste et Iohannis baptiste prope Kempnicz ordinis sancti Benedicti Misnensi diocesis, quod, licet olim ipsi castrum Rabinstejn in dicta diocesi consistens cum nonnullis villis terris possessionibus pacifice et quiete pluribus annis iusto titulo possidebant, fructus redditus et proventus ad ipsum monasterium ratione dicti castri seu ad ipsum castrum ratione monasterii seu ad ipsum castrum spectantes^{a)} sublevarunt et perceperunt, tamen nonnulli iniquitatis filii diabolico spiritu seducti, videlicet Hinricus de Wiczelebin miles, Wisse Ian alias dictus Iohannes Wisse de Schonefelt, Iunghe Tellin sone des Schonevelt, Rencz de Wachow, Hinricus Kundighe, Francz Kundighe et Caspar Kundighe armigeri ac de Czigkowe, de Oderen opidorum^{b)} universitates dicte Misnensis et Nuenburgensis diocesium associatis sibi quibusdam eorum in hac parte complicitibus dictum castrum manu armata hostiliter intrarunt et invaserunt ipsosque abbatem et conventum monasterii predicti ipso castro et dictis villis certis possessionibus ac fructibus, redditibus et proventibus antedictis nequiter spoliarunt, capellam in ipso castro situatam fractis violenter valvis et portas eius intrarunt, ornamenta ac bona ecclesiastica inibi reperta videlicet libros ecclesiasticos calices et